

Georges Abdallah issue

جورج عبدالله وضياح اللاهوية اللبنانية

(مش "الهوية اللبنانية" - ما في هوية لبنانية بعلم الاجتماع وكتبنا عن هالشي مراراً قبل)

جورج ابن القبيات. مثل اقلية من المسيحية بلبنان، كان شيوعي. كان هدفه محاربة اي رأسمالية، قام حارب ابنا جلدته لانن محسوبين عالراسمالية العالمية. فوقف مع أمة غير امته، المسلمين، واكثر، مع ناس من غير بلده.

وما شاف غلط لمن هالجماعات هاجمت القبيات وتم صدها بالقطلة (القطلة منطقة من القبيات ل يلي ما بيعرف).

متلو مثل كل الجماعات المسيحية اليسارية... ما شافت غلط بمسلمين (لبنانيين وفلسطينيين وسوريين) هاجمين لاكتساح ابنا جلدن.. مش انو جورج وحده..

اثر اغتيال الموساد وديع حداد مؤسس "الجهة الشعبية لتحرير فلسطين - العمليات الخارجية" وانفراط الاخيرة، اسس جورج من رحمها عام ١٩٧٩ "الفصائل المسلحة الثورية اللبنانية"، وكانت ميليشيا لبنانية متمركزة بالقبيات، بتضم شي ١٥٠ شب.

اعتقل بفرنسا بتهمة اغتيال دبلوماسي اميركي واسرائيلي بباريس وحيازة متفجرات والا ما هنالك وطبعاً طالت مدة اعتقاله لدواعي سياسية انا كل هالموضوع ما خصني فيه. هيدا نضاله، انا ما بدينه لجورج هون. بترك رايب ل الي.

النقطة انو استقبل بصالون الشرف،

وتم وضع صورته بنص بلدة القبيات على قاعدة انصر اخاك ولو ظالمًا اذا اعتبرنا انو جماعته بالقبيات بدها هيك وانو اهالي القبيات عموماً مش قادرين يعملوا شي بلا ما يصير مشكل طويل عريض،

وبعده بالكوفية الفلسطينية يلي هي رمز عداوة بمجتمعنا الكنعاني المسيحي...

وهيك بكفي لبنان يتخبط بغياب هوية وحدة جامعة،

الا باذهان احزابنا المسيحية يلي بيحكو عن هوية لبنانية جامعة...

يلا يا شاطرين اقتنعوا جورج بخطابكن الجامع العابر للطوائف وبلكي بتدعوه يحلف يمين ويصير معكن بالحزب ما دام انتو يا احزابنا كلكن بتقولوا انو انتو فاتحين بوابكن لكل الاطياف... وهيدا جورج، بعد ما صرنا بمحمد وخالد وعلي

بالنتيجة كل انسان بيستاهل اي خير، اهلن بجورج بعودته لاهله بعد ٤١ سنة، بس النقطة مش هون، متل ما شفتوا...

النقطة ببلاد عميتخبط وعاش بالتكاذب...